



Ir Maximilian der Vnnder von Gottes Genaden Erwehltter Römischer Khaiser zu allenzeiten/ mehrer des

Reichs/ in Germanien/ zu Hungern/ vnnnd Bchaim/ ic. Khünig ic. Erzhertog zu Osterreich/ Hertog zu Burgundi/ Steyr/ Khärndten/ Crain/ vnnnd Birttemberg/ in Ober vnd Nider Schlesien/ Marggrau zu Märbern/ in Ober vnd Nider Lauszny/ Graue zu Tyrol/ ic. Embietten N. allen vnd jedens vnsern vnderthanen/ Geistlichen/ vnnnd Weltlichen/ was werden/ Standtes/ oder wesens die so in vnserm Erzhertogthumb Osterreich vnder der Ennsz geseßen/ vnnnd wonhaft sein/ vnnnd dieses vnsero Generals erinderung empfangen/ vnser gnad vnd alles guets/ Nach dem vns fürthumbt/ das von ainer zeithero die Victualien/ in grosse vbertheurung erwachsen/ also das alhie an dem Markt/ vmb ain zimliches/ vnnnd billiches nichts zubekumen/ welches aber maistes vrsachen thuet/ das dieselben Victualien nit durch Euch die vnderthanen auf offnem Markt gebracht/ sonder durch die Fürtheuff fürthauft werden/ welche dieselben alsdann also vertheuern/ Wir aber zu abstellung diser/ vnd anderer beschwörungen/ ain aufgetruckte Marktordnung alhie öffentlich Publiciern lassen/ vnd darinnen vnder anderem dise nachfolgende maß/ vnd ordnung gesetzt/ Nemblichen fürs erst/ Das sich die Wildpräter/ Gänler/ Haringer/ Hüenerayrer/ Khäzstöcher/ vnd Schmälgler alhie/ sich füran/ weder in der statt/ noch vor den Thören/ khainerlay fürthaufts vnderstehen/ sonder meniglich/ wer schtes herzue bringet/ seine pfendert an den gewonlichen Pläzen in der Statt/ selbs fail haben/ vnd dem Reichen/ vnd armen zu irer notturfft verkhauffen lassen/ welcher aber solches vberfüer/ vnd nit stätt hielte/ der selbe solle nach inhalt der gedachten Marktordnung gestrafft werden. Zum andern/ das ermelte Wildpräter/ Gänler/ Haringer/ Hüenerayrer/ Khäzstöcher/ vnd Schmälgler/ an den gewonlichen Markttagen/ als am Erhtag/ vnnnd Sambstag/ voraufsteckung des faans/ den man Sommerzeiten vmb zehen vhr/ vnnnd im Winter vmb zwelf vhr aufstecken solle/ weder in der Statt/ noch vor denen Thören nichts khauffen/ noch ainichen khauff abreden/ Practiciern/ oder beschliessen/ vilweniger sich für sich selbs/ oder aber durch ire Weiber vnnnd gesindt am Markt/ bey vnablässlicher straff/ vor aufsteckung berürtes faans/ khaines wegs finden lassen/ wenn aber der gemelt faan aufgesteckt ist/ ihnen erlaubt/ vnnnd vergünt sein solle/ ihner notturfft nach/ auch zu khauffen/ doch mit der beschaidenheit/ das sie die pfendert nit vbertheuern/ vnnnd wann sie gang/ oder halb wagen schwarz khauffen wurden/ das sie dieselben vnnnder sich thailen/ vnd miteinander begallen. Zum Dritten/ das denen Wildprättern/ Gänlern/ Hüenerayrern/ Khäzstechern/ vnd Schmälglern gleichwol vergünt sein solle/ in denen gewonlichen Jar/ vnd wochenmärkten/ auf dem Landt/ doch außserhalb/ vnd gar nit inner viermeilwegs vmb die Statt Wienn einzukhauffen/ vnd ihre pfendert alhie widerumb in zimlichen leidenlichen werdt zuuersilbern/ doch das sie außser der bestimmbten gewonlichen Jar/ vnnnd wochenmarkt/ derhalb zubaußern/ noch sonst ainicherlay fürtheuff zutreiben/ oder abzureden/ sich nit vnderstehen/ bey vermeidung schwarzer straff/ vnnnd nembung derselben wahn/ damit dardurch ihr die vnderthanen so inner viermeilwegs/ vmb die Stat ligen/ vnnnd dieselb täglich besuechen khöndten/ vrsach habet/ eure gattungen selbst/ vnd außser des staigerlichen fürthaufts/ wie von alter auch gewesen/ alher ihn die Statt zufürn/ Wo aber solche Fürthaufter/ oder ainich andere zuefurende personen/ ihre Gattungen zu theur bieten wurden/ sollen die zwo personen so auff jeden Markt vnd plag verordnet/ vnnnd alwegen/ wo nit albaidt/ doch der aine zugegen sein würdet/ inen dieselben nach zimlichen dingen setzen/ vnnnd sie schuldig sein/ angezogne Gattung/ nach der schätzung/ vnd nit theurer bey straff zuerkhauffen/ Insonderheit aber soll yeder derselben wildpräter/ Gänler/ Hüenerayrer/ Khäzstecher/ vnnnd Schmälgler schuldig sein/ von der Obrigkeit des Ortes da er sein Gattung auff freym Jar/ oder wochenmarkt/ was doch außserhalb der viermeilwegs vmb die Statt Wienn ist/ vnnnd nit durch Hausern erkhaufft/ ainen schriftlichen schein zubringen/ darinnen außstrüchlichen gemelt werde/ zu was zeit/ wo/ vnnnd von wem er seine Gattungen erkhaufft habe/ außser desselben schein/ beuorab/ wo yemandts durch hausern/ fürthauft/ vnd betretten wurde/ sollen ime die Gattungen alsbalt genumben/ vnd wo er zum andern mal verbrüchig betretten/ deshalb in Statt graben zur arbeit auff ain zeit gehalten/ vnnnd dardurch der weythern handtierung entsetzt sein. Zum viernten/ alle die so bissher Hüener Gemisz/ Copaunen/ Spenser/ Antten/ vnd dergleichen alhie am Markt fürthauft/ dieselben gemözt/ vnd alsdann von aignes nug/ vnd gewins wegen widerumben verkhaufft/ sy sein in der Stat/ in vorsetten/ oder in den nägzt vmbliegenden Dörffern wonhaft/ die sollen strags abgeschafft/ vnnnd inen solche vngbürlische/ schedliche handtierung nicht mehr gestattet/ sonder die vbertreter nach notturfft gestrafft werden/ aber denen die dergleichen Gattungen auff dem Landt an den gewonlichen Wochenmarkt (als vorsteet) erkhauffen/ vnnnd albeer bringen/ auch derwegen glaubwürdige schriftliche khundschaften/ wie obgemelt/ fürzulegen haben/ denen soll die verkhauffung am heiligen Markt vnuerwert sein. Zum fünfften/ Alles Jungo vich/ Fleisch vnnnd andere Victualien/ so durch die Paurleut in die Stat gefürt/ sollen an dem täglichen Baurmarkt am Graben/ auff offnem Markt verkhaufft/ vnnnd khainem bey verliering der Gattung gestattet werden/ ichtes in die heüser zutragen/ abzulegen/ oder einzulegen. Zum sechsten/ sollen auch die man vnnnd weibs personen/ so nit aigen/ oder bestandgärten haben/ sonder das Grün kraut/ Sallat/ Kättich/ Khreen/ auch obbs/ vnd dergleichen/ von anndern die es selbs erpawen/ vnnnd albeer bringen/ fürthauften/ vnd wider hingeben/ allenthalben In/ vnnnd vor der Statt abgeschafft/ vnd gleichfals nimergestat werden. Item zimhunden/ die heiligen/ auch außlendischen Obler/ deogleichen die khreuter/ vnnnd Gartnerin/ auch alle fürthauft in gemain/ sollen sich yeder nur aines Standtes/ daran er sein gattung an dem geordneten Markt fail helt gebrauchen/ Sonderlich sollen auch die fürtheuff/ so ire Gattungen außser der Stat/ vnd Landt herein bringen/ als hievor verstanden von denen paurleuten gar abgefündert/ vnd an ain besonder orth geordnet werden. Zum achten/ welcher an ainem fürthauft am Markt betretten/ oder ob ainer befunden wurde/ der ainem des fürthaufts verholffen hette/ dieselben die sollen nach notturfft gestrafft/ ihnen auch die fürthauften wahren genumben/ vnnnd zu Gemainer Stat alhie handt eingezogen werden/ Vnd nach dem zum Neunten wir hievor geordnet/ das vnser/ vnserer geliebten Gemahl/ vnd anderer Fürsten vnd Herrn/ Fuetterschreiber/ Schaffer/ vnd Einhauffer/ den habern souil yedes gelegenheit nach imer sein khän/ nicht alhie auf dem Markt/ sondern zu verhüttung der theurung außser am Landt einzukhauffen/ oder ob ye zu zeiten daran mangel erschine/ das sy alhie am Markt khauffen müesten/ das dieselben Schaffer vnd Einhauffer/ vnserm Burgermeister alhie von vnsern vnd vnserer geliebten Gemahl/ Stallmeister/ oder Fuetterschreiber/ dergleichen ain yeder von seinem Herrn albeg ein zettl derwegen fürbringen. So ist auch durch mergedachte Marktordnung/ den geordneten Markttrichter vnd auffsehern auferladen worden/ jr achtung zu haben/ damit demselben also gelebet/ vnd die Schaffer vnd einhauffer dahin gehalten werden/ das der yeder obgehörter gestalt/ aintweder von dem Stalmaiter/ Fuettermaiter/ oder seinem Herrn/ ainen schriftlichen schein fürlege. Zum zehenden/ diereil sich mehimals zuetragen/ das vnser/ dergleichen vnserer geliebten Gemahl/ vnd Khayserlichen Süne Hoffschaffer/ vnd Einhauffer/ etlichen sondern Personen zettln vnder irer ferttigung/ vnd darinnen gewalt gebun allenthalben zukhauffen/ vnd darauß/ der fürthauft vnd das hausern mit auffkhauffung allerlay Victualien in der wutte/ vnd nächne/ auff offnen Märkten/ vnd von hausz zu hausz/ schädlich eruolgt. So haben wir von vnserm Khayserlichen Houe außz/ deshalb sondere gnädigste abstellung/ vñ entliche dise verordnung gethan/ das sothin khaine dergleichen zettln meh/ sy khäme dann von vnserm Khüchelmeister heer/ außgeben/ noch vilweniger derselben glaubt/ sondern wo ainer mit ainer zettl/ so nit von vnserm/ vnserer geliebten Gemahl/ vnd Khayserlichen Sünen Khüchelmeister selbs außgieng/ betretten/ der soll als baldt vmb all sein erkhauffte waz/ souil deren bey ime betretten/ vnd da er es weitter thät/ gleichermassen wie wir oben geordnet/ mit dem Statgrabn gestrafft werden. Vnnnd wann nun vnser/ vnserer geliebten Gemahl/ vnd Khayserlichen Süne Khüchelmeister/ in fürfallender notturfft yemandts ain zettl gibt/ so soll in derselben zettl albeggen/ wo nit die Gattungen/ so dieselb Person zu notturfft des hofwesens einzukhaufft/ oder Strüch/ doch zum allerwenigsten die Wägen/ wieul deren seyen specificiert werden. Beschlieslichen/ Nach dem von altero gewesen/ das meniglich so etwas von Victualien auf den offnen Markt zuerkhauffen gebracht/ dasselb one vorwissen aines Bürgermeisters in der Stat nit einlegen/ noch auch auß der Stat fürn döffen/ sonder an dem Markt/ bis er verkhaufft/ beleiben lassen müessen/ so solle es noch also gehalten/ vnd darob gehandthabt/ auch durch die Marktbeschauer vleissig achtung darauf geben werden. Demnach haben wir Euch vnd meniglichen/ so die Victualien bey hausz/ vnd am Markt khaufft/ vnd verkhaufft/ diser vnserer Zungstforgenommenen Marktordnung zur nachrichtung genädiglich erinnden wollen. Vnd ist vnser gnädiger vnd emslicher Beuelch/ das jr derselben in allen Büncen vnd Artickln gewislichen nachkumbet/ Gebieten auch hierauf allen vnsern Obrigkeiten/ sonderlichen aber vnserm Handgraffen/ vnd Landtgerichten in Osterreich/ das sie ob diser ordnung/ vnd vnserm General emslich handthaben/ niemandts dawider zehandlen gestatten/ sonder auf die vbertreter achtung haben/ die selben inhalt der ordnung straffen/ vnd darunder khaines verschonen/ Das ist vnser emslicher wil/ vnd mainung. Geben in vnser Statt Wienn den Vierdten tag Augusti/ Anno ic. im Neunnd sechzigsten vnserer Reiche/ des Römischen im Sibenden/ des Hungertischen im Sechsten vnnnd des Bchaimischen im Alimond/ wainzigsten.

Handwritten notes in the left margin, including names like 'Jagitz' and 'Seydel'.



Commissio Domini Electi
Imperatoris in Consilio.

Handwritten signatures and notes in the bottom right corner, including 'Gulianus Junger' and 'L. Kirchgauer'.

~~N. 1569~~
~~Seiner Majestät Kaiserlichen~~
~~Hoheit dem kaiserlichen~~
~~Generalen Feldmarschall~~
~~von Österreich~~
~~in Wien~~
~~zu~~
~~den 4. Aug. 1569~~

Commissio Domini Electi
Legationis in Constia

Generale
Von Kayser Maximilian dem andern.
fürs Fürst den Vichualig abg. solb. Ihm
gütlichst Besetzung der Strungen in Thianne.

H. B.
8.

den 4. Aug. 1569

~~1569~~

~~Seiner Majestät Kaiserlichen~~
~~Hoheit dem kaiserlichen~~
~~Generalen Feldmarschall~~

E-364545



DS-2020-5987

20520/23